

JAVNO PREDUZEĆE "KOMUNALNO" D.O.O. BREZA

Ul. ZAVNOBiH- a br.6 71370 Breza

Broj: 05-1971-8/22

Breza, 20.09.2022. godine .

Na osnovu člana 69. stav (1). tačka b) i stav (2) tačka a) i d) a u vezi s članom 70 stav (1),(4) i (6) Zakona o javnim nabavkama BiH ("Službeni glasnik BiH" broj:39/14), a u skladu sa Zapisnikom o ocjeni ponuda i preporuke Komisije za javne nabavke broj 05-1972-6/2022 godine od 19.09.2022. godine, u postupku javne nabavke dva polovna vozila za prikupljanje otpada, putem otvorenog postupka, v.d. direktor preduzeća donosi sljedeću:

O D L U K U

o poništenju javne nabavke dva polovna vozila za prikupljanje otpada

Član 1.

Poništava se postupak javne nabavke dva polovna vozila za prikupljanje otpada za potrebe Javnog preduzeća „Komunalno“ d.o.o. Breza, i to:

- LOT-1 "Nabavka polovnog specijalnog teretnog vozila Autosmečar s nadogradnjom zapremine 14,5 m³" i
- LOT 2 "Polovno specijalno teretno vozilo – Vozilo za skupljanje odvojenog otpada zapremine spremnika 5 m³".

Član 2.

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke.

O b r a z l o ž e n j e

Na osnovu Odluke o pokretanju postupka broj: 05-1972/22 od 28.07.2022. godine i Obavještenja o nabavci broj: 2818-1-1-113-3-3/22 od 28.07.2022 godine, proveden je postupak javne nabavke dva polovna vozila za prikupljanje otpada za potrebe Javnog preduzeća „Komunalno“ d.o.o. Breza.

Komisija za potrebe Javnog preduzeća „Komunalno“ d.o.o. Breza (u daljem tekstu Komisija) izvršila je pregled i ocjenu dospjeli ponuda, te sačinila Zapisnik o pregledu i ocjeni ponuda kojim je utvrdila sljedeće:

- da je za LOT-1." - Nabavka polovnog specijalnog teretnog vozila Autosmečar s nadogradnjom zapremine 14,5 m³ pristigla jedna blagovremeno ponuda ponuđača „LIV-S“ d.o.o. Visoko, zaprimljena na protokolu ugovornog organa pod rednim brojem 2577/22 od 15.09.2022 godine.

Ponuda ponuđača „LIV-S“ d.o.o. Visoko (broj: 24/202 od 13.09.2022. godine) nije pripremljena na način kako je to predviđeno tenderskom dokumentacijom broj 05-1972/22 od 28.07.2022 godine te je Komisija uočila da ponuda ima određene nedostatke i to:

- Dokumentacija koju je dostavio Ponuđač „LIV-S“ d.o.o. Visoko po tački 13.3.2. stav 2. gdje stoji da ponuđač treba dostaviti kopiju tehničke dokumentacije u kojoj su navedene sve karakteristike mašine, ponuđeni tip mašine i sl., tehnička dokumentacija koja mora biti potpisana od strane odgovorne osobe ponuđača i ovjerena pečatom; je u suprotnosti sa zahtjevom Tenderske dokumentacije (tačkom 21. „Jezik i pismo ponude“) kojom se traži da:

„Ponuda se dostavlja na jednom od službenih jezika u Bosni i Hercegovini, na latiničnom ili ćirilničnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

Dijelovi popratne dokumentacije (koji su u direktnoj vezi s predmetom nabavke, osobinama predmeta nabavke, garancijama na predmet nabavke i sl.) trebaju se prevesti na jedan od službenih jezika u Bosni i Hercegovini.,,

- U Aneksu 3-1- Izjava za garanciju vozila Lot 1. nije pravilno popunjena, odnosno na poziciji gdje se treba upisati ime i prezime osobe koja daje izjavu stoji: „Naša ponuda bude najuspješnija“.

U tački 13.3.2. u Napomeni stoji da „Ugovorni organ zadržava pravo uvida u vozila i opremu prije donošenja odluke o izboru najpovoljnijeg ponuđača.

Potrebno je da ponuđač dostavi izjavu o prihvatanju uvida u vozila i opremu koji će se izvršiti prije donošenja odluke o izboru najpovoljnijeg ponuđača, s navedenim mjestom i vremenom gdje se može izvršiti uvid.

U slučaju da se utvrdi da stanje vozila i opreme konkretnog ponuđača ne odgovara tehničkim karakteristikama traženim u tenderskoj dokumentaciji Ugovorni organ će istog diskvalifikovati iz daljeg postupka“.

U dostavljenom Aneksu 11 - Obrazac izjave o prihvatanju uvida u vozila i opremu koji će se izvršiti prije donošenja odluke o izboru najpovoljnijeg ponuđača, sa navedenim mjestom i vremenom gdje se može izvršiti uvid, ponuđač je naveo da Ugovornom organu omogućava uvid u vozila i opremu koja su predmet ponude od ponedjeljka do petka, 2022 godine na adresi: **Jurska cesta 3, 93401 Levice, Slovačka.**

Dostavljena izjava je u suprotnosti s Tačkom 18. (Način određivanja cijene ponude) gdje je traženo Tenderskom dokumentacijom da Ugovorni organ ne smije imati nikakve dodatne troškove osim onih koji su navedeni u obrascu za cijenu ponude jer Ugovorni organ nema planirana sredstva za ovu vrstu troška.

Prema odredbama člana 68. stav 4. tačka h) Zakona o javnim nabavkama BiH Ugovorni organ dužan je odbaciti ponudu u slučajevima kada ponuda ponuđača nije potpuna i ne ispunjava zahtjeve iz tenderske dokumentacije.

Shodno gore navedenom, ponuda ponuđača „LIV-S“ d.o.o. Visoko ne može biti predmet vrednovanja u ovom postupku nabavke.

U postupku javne nabavke komisija je blagovremeno i pravilno organizovala otvaranje ponuda, o čemu je sačinila Zapisnik broj 05-1972-6-1/22 od 16.09.2022. godine.

Zapisnički je utvrđeno da nije dostavljena nijedna ponuda u određenom krajnjem roku za:


- LOT 2 - " Polovno specijalno teretno vozilo – Vozilo za skupljanje odvojenog otpada zapremine spremnika 5 m3

U postupku donošenja ove odluke je utvrđeno da Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedno, primjenom člana 69.stav 1. tačka b) i stav 2. tačka a) i d) Zakona o javnim nabavkama („Službeni glasnik BiH“ broj:39/14), riješeno je kao u dispozitivu.

Pouka o **pravnom lijeku**: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu s članom 99. i 101. Zakona o javnim nabavkama BiH.

Obradila: Neira Hasanspahić



Prijedlog:

Komisija za Javnu nabavku



DOSTAVITI

1x Ponuđač

1x Komisija za nabavke

1x web stranica preduzeća

1x a/a




y.d. direktor

ma. Ermin Likić, dipl. ing. maš.